

卷之三

沈侍中集引



沈初明勸進三表是使越石

却步孝穆齊鑣何其壯也梁

祚既傾播遷北指文靡留草

慮才見羈通天臺上章漢武

帝可謂精誠之感視陸士龍

安政七改

沈侍中集引

上漢高頌表蓋情殊而文匹  
焉還魂之賦悲喜駢集幸而  
不作哀江南也古人以陳情  
請歸養者世但知李令伯之  
事祖母劉而不知有初明之  
事母劉及舛母江辭旨懇烈

差足連類至天子優詔褒答  
遂使馮親八舍荀母從官家  
典朝榮咸濟異數則遭逢又  
過令伯矣傳謂恭子有集二  
十卷及考劉師知為恭子作  
序却是西還所著名為後集

今存者如許大較從前之作  
為多丹穴一毛何適其非異  
綵乎



沈侍中後集序

陳劉師知撰

陳亢有云趨庭學詩又聞君子毛萇亦曰登高  
能賦可為大夫言其善觀民風則與圖王政若  
沈恭子者斯乃當世賢達至如敦厚之詞足以  
吟詠情性身之文也貞固之節可以宣被肱肱  
邦之光也然此者君之小道猶曰餘行何則德  
之所本教之所由實乃孝篤天倫義感殊類有  
美於斯鬱為高士則余與夫千古所謂世親者

歟亦所謂益友者歟疇昔一面謁來二紀自總  
角而接清塵蒙長者之嘉酬屯險驟更懽娛中  
阻班超旣反盛憲猶存春秋美景朝游夕宴酒  
酣得意賦詩聯章顧余不肖齒義懸絕降德忘  
年交情彌至增榮廣價知己難忘南浦之送未  
淹北邙之辭仍及於時屬有烽燧方勤帷扆遂  
使褐裘莫計寶劍無追痛此生芻同茲宿草九  
原方遠百身寧贖若乃帳懸秋月一鴈孤飛花  
落春風數鷺爭弄伯牙之絃寂寥長絕山陽之  
管惆悵徒聞夫盛烈清徽勒傳乎帝載遺文餘  
論被在乎民謚者斯所以沒而猶彰死且不朽  
今乃撰西還所著文章名爲後集

今以對西蜀詞譜文章各為錄  
篇姝五平月語首祺所以  
音脚那森問夫益原壽

沈侍中集目錄

卷之一

賦

歸魂賦 有引

幽庭賦

樂府

長安少年行

獨酌謠

詩

從駕送軍

望郢州城

長安還至方山愴然自傷

離合詩贈江藻

建除詩

六府詩

八音詩

六甲詩

十二屬詩

從遊天中寺應令

同庾中庶肩吾周處士弘讓遊明慶寺

名都一何綺

爲我彈鳴琴

賦得邊馬有歸心

詠老馬

和蔡黃門口字詠絕句

卷之二

表

沈氏中集 目錄  
爲王僧辯勸進梁元帝初表

勸進梁元帝第二表

勸進梁元帝第三表

爲百官勸進陳武帝表

爲陳太傅讓表

經通天臺奏漢武帝表

陳情表

陳文帝答詔附

爲周弘正讓太常表

卷之三

啓

爲周儀同失律後復官表

爲王僧辯答貞陽侯啓

爲王僧辯重答貞陽侯啓

爲王僧辯奉貞陽侯啓

爲王僧辯重奉貞陽侯啓

書

答張種書



張種與沈炯書附

銘

太極殿銘有序

碑

林屋館碑

太尉始興昭烈王碑

哀策文

陳武帝哀策文

祭文

祭梁吳郡袁府君文

文

為陳霸先與王僧辯盟文

附錄

沈炯傳

唐姚思廉

沈炯傳論

唐李延壽

遺事

集評

石門山房

皇朝詩林

沈氏集

曹汝思集

柳綬太尉始興昭烈王碑

京為刺繡夫與王曾撰盟文

文

祭祭吳縣袁和晉文

沈侍中集卷之一

陳吳興沈炯初明著

明閩漳張燮紹和纂

賦

歸魂賦有引

古語稱收魂升極周易有歸魂卦屈原著招魂篇故知魂之可歸其日已久余自長安反乃作歸魂賦其辭曰

伊吾人之陋宗資玄聖而云始肇邵闕之靈源

分昌發之世祀實聞之乎家記又孚之於惇史  
亢宗貴而博古四史成乎一身怪日月之遼遠  
而承襲之相因豈少賤之能察非末學之知津  
也若夫風流退讓在秦作相越江以東惟戎及  
鄴出忠出孝且卿且公世歷十五爰逮余躬值  
天地之幅裂遭日月之雲虹去父母之邦國埋  
形影於胡戎絕君臣而辭骨肉踏厚地而跼蒼  
穹抱北思之胡馬望南飛之夕鳴泣霑襟而雜  
露悲微吟而帶風昔休明之云始余播棄於天  
地自太學而遊承明出書生而從下吏身豫封  
禪之官名入南宮之記登玉墀之深眇出金門  
之崇邃受比狄之奉書禮東夷之獻使 實不  
嘗至屈膝遜言以殊方降意嗟五十之踰年忽  
流離於凶忒值中軍之失權而大盜之移國何  
赤疹之四起豈黃霧之二云塞祈瘦弟於赤眉乞  
老親於劇賊免伏質以解衣遂窘身而就勅既  
而天道禍淫否終斯泰靈聖奮發風雲饗會掃  
欃槍之星斬蚩尤之旆余扳逆而効從遂妻誅

沙信口集 卷之一  
而子害雖分珪而祚土迄長河之如帶肌膚之  
痛何泯潛翳之悲無狀我國家之沸騰我天下  
之匡復我何辜於上玄我何負於鄰睦背盟書  
而我欺圖信神而我戮彼孟冬之云季總官司  
而就繼託馬首之西暮隨檻車而迴轍履峨峨  
之層冰面颺颺之巖雪去莫敖之所縊過臨江  
之軌折矧今古之悲涼竝攢心而霑袂渡狹石  
之歎危跨清津之幽咽鳥虛弓而自墮猿號子  
而腹裂歷沔漠之逶迤及楚郡之參差望隆中  
之大宅映峴首之沉碑既縲然而就鞅非造次  
之能窺至若高祖武皇帝之基天下也岐周景  
亳之地龜圖雀書之秘醒醉之歌味絕讓畔之  
田鱗次余既長於克民覺何從而掩泗水兮  
深且清宛水兮澄復明昔南陽之穰縣今百雉  
之都城我太宗之威武遏宛洧而陳兵百萬之  
虜俄成魚鼈千仞之阜倏似滄瀛雖德刑成於  
赦服故蠻狄震乎雄名乃尋浙而歷商遂經秦  
而至洛覺高蹈之清遠具風雲之倏爍其山也

則欽岑靠鬼巘嶮婆隋或孤峰而秀聚或逸出  
而橫羅千歲之木坐嶺表百丈之石枕谿阿其  
水則碎訇澗汨或寬或疾擊萬瀨而相奔聚千  
流而同出何武關之狹隘而漢祖之英雄山萬  
里而仰雲霧水百仞而寫蜿蜒若一夫而守隘  
豈萬衆之能攻去青泥而踰白鹿越渥水而到  
青門長卿之賦可想邵平之迹不存咄嗟驪山  
之阜惆悵灞陵之園文恭儉而無隙羸癸掘其  
何言訪軹道之長組拾藍田之璵璠無故老之

可訊竝膺膺之空原登未央之北闕望長樂之  
基趾伊太后之所居築旗亭而成市槐路鬱以  
三條方塗坦而九軌觀阡陌之遺蹤實不乖乎  
前史銜直城而北轉臨橫門而左趨南則董卓  
之塢北則苻堅所居卽二賊之墟壘爲彼主之  
庭除終南龍從太一嵯峨九巖掘起八壘連河  
汨經泥之混濁盪渭渚之清波指咸陽而長望  
何趙李而經過息耳泉而避暑猶爽塏而清和  
爾乃背長夏涉素秋卧寒野坐林陬霜微凝而

侵骨樹裁動而風適思我親戚之顏貌寄夢寐  
而魂求察故鄉之安否但望斗而觀牛稚子天  
於鄭谷勉勵愧乎延州聞愛妾之長叫引寒風  
而入楸何精靈以堪此乃縱酒以陶憂至誠可  
以感鬼秉信可以祈天何精隕而魄散忽魂歸  
而氣旋解龍驟而見送走郵驛於亭傳出向來  
之大道及初入之山川受繞朝之贈策報李陵  
之別篇淚未悲而自墮語未咽而無宣於時和  
風四起具物初榮草極野而舒翠花分叢而落  
芙蓉則潛波渙濯鳥則應嶺俱鳴隨六合之開  
朗與風雲而自輕其所涉也州則二雍三荆昌  
歡江并磨安浙洛巴郢雲平其水則淮江漢洧  
隨浩汗灃潦澹滹河涇渭相亂或浮深而揭淺  
或凌波而沿岸每日夕而靡依常一步而三歎  
蠻蜚之與荆吳玄狄之與羗胡言語之所不通  
嗜欲之所不同莫不疊足斂手低眉曲躬豈論  
生平與意氣止望首丘於南風悲城邑之毀撤  
意風水之渺揚既盡地而謁帝乃懷橘而升堂

何神僊之足學此即雲衣而虹裳也

幽庭賦

矧幽庭之閑趣具春物之芳華轉洞房而引景  
偃飛閣而藏霞築山川於戶牖帶林苑於東家  
草纖纖而垂綠樹搔搔而落花於是秦人清歌  
趙女鼓筑嗟光景之遲暮詠群飛之棲宿顧留  
情於君子豈含姿於嬌淑於是起而長謠曰故  
年花落今復新新年一故成故人那得長繩繫  
落日年年月月但如春

詩人昔之...  
 蘇文楚於...  
 草薿薿而垂絲...  
 幽我之閑...  
 幽我之閑...

幽我之閑

樂府

長安少年行

長安好少年。驄馬鐵連錢。  
 陳王裝腦勒。晉后鑄金鞭。  
 步搖如飛燕。寶劍一作劍似舒蓮。  
 去來新市側。遨遊大道邊。  
 道邊一老翁。顏鬢如衰蓬。  
 自言一作生漢世少小兒。見豪雄。  
 五侯俱拜爵。七貴各論功。  
 建章通北闕。複道度南宮。  
 太后居長樂。天子出回中。  
 玉輦迎飛燕。金山賞鄒通。  
 一朝復一日。忽見朝市空。  
 扶桑無復海。崑山倒向東。  
 少年



沈氏中集 卷之一 七  
何假問顏齡值福終子孫其滅盡鄉閭復不同  
淚盡眼方暗髀傷耳自聾杖策尋遺老歌嘯詠  
悲翁遭隨各有遇非敢訪童蒙

獨酌謠

獨酌謠獨酌獨長謠智者不我顧愚夫余未要  
不愚復不智誰當余見招所以成獨酌一酌傾  
一瓢生涯本漫漫神理暫超超再酌矜許史三  
酌傲松喬頻煩四五酌不覺凌冊霄倏爾厭五  
鼎俄然賤九韶彭殤無異葬夷跽可同朝龍蠖  
非不屈鵬鷄但逍遙寄語號呶侶無乃太塵

非不風飄飄中良美音請謁歎曰無以太

詩

從駕送軍

惟堯稱乃武軒后號神兵弔民資智勇治亂屬  
師貞我君膺寶業歷駕視前英蒲海方無浪夷  
山未有平星光下結旆劍氣上舒精雲開萬里  
徹日麗百川明撫鼓山靈應詔蹕水祗驚

望郢州城

魂兮何遽返非死復非仙坐柯如昨日石合一作  
未淹年歷陽頓成浦東海果為田空憶扶風

詠誰一作見峴山傳世變才良改時移民物遷  
悲哉孫驃騎悠悠哭彼天

長安還至方山愴然自傷

秦軍坑趙卒遂有一人生雖還舊鄉里危心曾  
未平淮源比桐栢方山似削成猶疑屯虜騎尚  
畏值胡兵空村餘拱木廢邑有頽城舊識既已  
盡新知皆異名百年三萬日處處此傷情

離合詩贈江藻

開門枕芳野井上發紅桃林中藤蔦秀木末風

雲高屋室何寥廓至士隱蓬蒿故知人外賞文  
酒易陶陶友朋足諧晤又此盛詩騷朗月同携  
手良景共含毫樂巴有妙術言是神仙曹百年  
肆偃仰一理詎相勞閑居有樂

建除詩

建章連鳳闕藹藹入雲煙除庭發槐柳冠劍似  
神僊滿衢飛玉軼夾道躍金鞭平明塵霧合薄  
暮風雲騫定交太學裏射策雲臺邊執事一朝  
謬朝市忽崩遷破家徒徇國力弱不扶顛危機

空履虎擊惡豈如鸚成師鑿門去敗績累尸旋  
收魂不入斗抱景問穹玄開顏何所說空憶平  
生前閉門窮巷里靜掃詠歸田

六府詩

水廣南山暗杖策出蓬門火炬村前發林煙樹  
下昏金花散黃蕘蕙草雜芳蓀木蘭露漸落山  
芝風屢翻土高行已曷抱甕憶中園穀城定若  
近當終黃石言

八音詩

金屋貯阿嬌樓閣起迢迢石頭足年少大道跨  
河橋絲桐無緩節羅綺自飄飄竹煙生薄晚花  
色亂春朝匏瓜詎無匹神女嫁蘇韶土地多妍  
冶鄉里足塵囂革年未相識聲論動風飈木桃  
堪底用寄以答瓊瑤

六甲詩

甲拆開衆果萬物具敷榮乙飛上危幕雀乳出  
空城丙魏舊勲業申韓事刑名丁翼陳詩罷公  
緩作賦成戊巢花已秀滿塘草自生巳乃忘懷

客榮樂尚關情。庚庚聞鳥嘯。肅肅望鳧征。辛酸多憫惻。寂寞少逢迎。壬蒸懷太古。覆妙佇無名。癸已空施位。詎以召幽貞。

十二屬詩

鼠迹生塵案。牛羊暮下來。虎嘯生當作坐空谷。兔

月向牕開。龍隰遠青翠。蛇柳近徘徊。馬蘭方遠

摘。羊負始春栽。猴栗羞芳果。鷄跣引清杯。狗其

懷物外。猪蠹窅悠哉。

從遊天中寺應令

福界新開草。名僧共下筵。楊枝生拱樹。錫杖咒

飛泉。石座應朝講。山龕擬夜禪。當非舍衛國。賣

地取金錢。

同庾中庶肩吾周處士弘讓遊明慶寺

鷲嶺三層塔。菴園一講堂。馴鳥逐飯磬。狎獸繞

禪牀。摘菊山無酒。燃松夜有香。幸得同高勝。於

此瑩心王。

名都一何綺

陸士衡擬古詩云名都一何綺。城闕鬱盤桓。

名都一何綺春日吐光輝高樓雲母扇複殿琉璃  
門應紫微

爲我彈鳴琴

爲我彈鳴

玉臺作清

琴鳴傷我襟半死無人見入

竈始知音空爲貞女引誰達楚妃心雍門何假

說落淚自淫淫

賦得邊馬有歸心

王瓚詩朔風動秋草邊馬有歸心

窮秋邊馬肥向塞甚思歸連鑣渡蒲海束舌下

金微已卻魚麗陣將摧鶴翼圍彌憶長楸道金

鞭

一作鞍

背落暉

詠老馬

昔日從戎陣流汗幾東西一口馳千里三丈拔

深泥渡水頻傷骨翻霜屢損蹄勿言年齒暮尋

途尚不迷

和蔡黃門口字詠絕句

囂囂宮閣路靈靈谷口問誰知名器品語嘿各

崎嶇

昔日從戎車流干幾東西一口錫千里三交殊

精茅黑

鱗鱗非昔容軛

金燄日浴魚翼刺洪鉢鱗翼圍爾劇具鱗意金

銀輝數黑頭向塞甚思謂事難或前感末古不

沈侍中集卷之二

梁吳興沈炯初明著

明閩漳張爨紹和纂

表

為王僧辯勸進梁元帝初表

衆軍薄伐塗次九水即日復臨城縣使人報稱

侯景弒逆皇帝賊害太子宗室在寇庭者竝罹

禍酷六軍慟哭三辰改曜哀我皇極四海崩心

我大梁纂堯構緒基商啓祚太祖文皇帝狗齊

作聖肇有六州高祖武皇帝聰明神武奄龕天下依日月而和四時履至尊而制六合麗正居貞大橫固祉四葉相係三聖同基蠢爾凶渠遂馮天邑閭闔受白登之辱象魏致堯城之疑雲宸承華一朝俱酷金楨玉幹莫不同寃悠悠彼蒼何其罔極臣聞喪君有君春秋之茂典以德以長先王之通訓少康則牧衆撫職祀夏所以配天平王則居正東遷宗周所以卜世漢光以能捕不道故景歷重昌中宗以不違群議故江

東可立儔今考古更無二謀伏惟陛下至孝通幽英武靈斷當七九之厄而應千載之期啓殷憂之明而居百王之會取威定霸嶮阻艱難建社治兵載循古道家國之事一至於斯天祚大梁必將有主軒轅得姓存者二人高祖五王代實居長乘屈完而陳諸侯拜子武而服大輅功齊九有道濟生民非奉聖明誰嗣下武臣聞日月貞明太陽不可以闕照天地貞觀乾道不可以久惕黃屋左纛本爲億兆而尊鸞輅龍章蓋



以郊禋而貴寶器存乎至重介石慎於易差黔  
首豈可少選無君宗祏豈可一日無主伏願陛  
下掃地升中柴天改物事迫凶危運鍾擾攘蓋  
不勞宗正奉詔博士擇時南面即可居尊西向  
無所讓德四方既知有奉八百始可同期殘寇  
潛居器藏社處乾象既傾坤儀已覆斬莽輓車  
燒卓照市廓清函夏正爲瑩陵開雪宮闈庶存  
鐘鼎彼黍離離伊何可言陛下繼明闡祚卽宮  
舊楚左廟右社之制可以權宜五禮六樂之容  
歲時取備金芝九莖瓊茅三脊要衛率職尉候  
相望坐廟堂以朝四夷登靈臺而望雲物禪梁  
甫而封泰山臨東濱而禮日觀然後與三事大  
夫更謀都鄙左瀍右澗夾雜可以爲居抗殿疏  
龍惟王可以在鎬何必勤勤建業也戎臣等不  
勝控款之至謹拜表以聞

新王何以在離何必謹謹事業也夫曰等不  
夫更精精猶立靈古聞文翰可以爲目其類  
甫而桂泰山調東甯而斷日建建與三事大  
卧望坐廟堂以時四使登靈臺而望雲  
靈和郊金芝之火靈寶  
卷之二

勸進梁元帝第二表

紫宸曠位赤縣無主百靈聳動萬國回皇雖醉  
醒相扶同歸景亳式歌且誦總赴唐郊猶懼陛  
下俛首潜然讓德不嗣傳車在道方慎宋昌之  
謀法駕已陳尚杜耿純之勸岳牧翹首天民累  
息臣聞星回日薄擊雷鞭電者之謂天岳立川  
流吐霧蒸雲者之謂地苞天地之混成洞陰陽  
之不測而以財成萬物者其在聖人乎故云天  
地之大德曰生聖人之大寶曰位黃屋廟堂之

下本非獲已而居明鏡四衢之罇盖由應物取  
訓伏惟陛下稽古文思英雄特達比以周日則  
文王之子方之放勛則帝摯之季千年旦暮可  
不在斯庭闕湮亡鐘鼎淪覆嗣膺景歷非陛下  
而誰豈可使赤眉更立盆子隗囂託置高廟陛  
下方復從容高讓用執謙光展其矯行僞書誣  
罔正朔見機而作斷可識矣匪疑何卜無待著  
龜日者公卿失馭禍纏霄極獯羯憑陵姦臣互  
起率戎伐類無處不然勸明誅晉側足皆爾才

斗夜鳴烽火相照中朝人士相顧銜悲涼州義  
徒東望殞涕慄慄黔首將欲安歸陛下英略緯  
天沉明內斷橫劍泣血枕戈嘗膽農山圯下之  
策金匱玉鼎之謀莫不定算宸帷決勝千里擊  
靈鼉之鼓而建翠華之旗驅六州之兵而總九  
伯之伐四方雖虞一戰以霸斬其鯨鯢既章大  
戮何校滅耳莫匪姦回史不絕書府無虛月自  
洞庭安波彭蠡底定文昭武穆芳若椒蘭敵國  
降城和如親戚九服同謀百道俱進國耻家怨

計期就雪社稷不墜繫在聖明今也何時而申  
帝啓之避凶危若此方陳泰伯之辭國有具臣  
誰敢奉詔天下者高祖之天下陛下者萬國之  
歡心萬國豈可無君高祖豈可廢祀即日五星  
夜聚八風通吹雲煙紛郁日月光華百官象物  
而動軍政不戒而備飛艦巨艦竟水浮川鐵馬  
銀鞍陵山跨谷英傑接踵忠勇相顧湛宗族以  
酬恩焚妻子以報主莫不覆楯銜威提斧擊衆  
風飛電耀志滅凶醜所待陛下昭告后土虔奉  
上帝廣發明詔師出以名五行夕返六軍曉進  
便當盡司寇之威窮蚩尤之伐執石趙而求壘  
斬姚秦而取鐘脩掃瑩陵奉近宗廟陛下豈得  
不仰存國計俯從民請漢宣嗣位之後卽遣蒲  
類之軍光武登極既竟始有長安之捷由此言  
之不無前准臣等或世受朝恩或身荷重遇同  
休等戚自國刑家苟有腹心敢以死奪不任悽  
悽之至謹重奉表以聞

不其前... 蘇之軍出... 不... 神... 更... 土...

勸進梁元帝第三表

衆軍以今日戊子總集建康賊景烏伏獸窮頻  
擊頻挫姦竭詐盡深溝自固臣等分勒武旅百  
道同趨突騎短兵犀函鐵楯結隊千群持戟百  
萬止紂七步圍項三重轟然大潰群凶四滅京  
師少長俱稱萬歲長安酒食於此價高九縣雲  
開六合清朗矧伊黔首誰不載躍伏惟陛下咀  
痛茹哀嬰憤忍酷自紫庭絳闕胡塵四起孺垣  
好時冀馬雲屯泣血臨兵嘗膽誓衆而吳楚一

家方與七國俱友管蔡流言又以三監作亂西  
涼義衆阻秦塞而不通并州遺民跨飛狐而見  
絕豺狼當路非止一人鯨鯢不梟倏焉五載英  
武克振怨耻竝雪永尋霜露伊何可勝臣等輒  
依故實奉修社廟使者持節分告園陵嗣后升  
遐龍輜未殞承華掩曜梓宮莫測竝即隨由備  
辨禮具凶荒四海同哀六軍袒哭聖情孝友理  
當感慟日者百司岳牧仰祈宸鑒以錫珪之功  
旣歸有道當璧之禮允屬聖明而優詔謙冲宵  
然凝邈飛龍可躋而乾爻在四帝闢云叫而聞  
闔未開謳歌載馳是用翹首所以越人固執熏  
丹穴以求君周民樂推踰岐山而事主漢王不  
卽位無以貴功臣光武止蕭王豈謂紹宗廟黃  
帝迷於襄城尚訪御人之道放勛入於姑射猶  
使罇俎有歸伊此儻來豈聖人所欲帝王所應  
不獲已而然伏讀璽書尋諷制旨領懷物外未  
奉慈衷陛下日角龍顏之姿表於徇齊之日彤  
雲素靈之瑞基於應物之初博學則大哉無所

與名深言則擘乎文章之觀忠爲令德孝實動  
天加以英威茂略雄圖武算指麾則丹浦不戰  
顧眄則阪泉自蕩地維絕而重紐天柱傾而更  
植鑿河津於孟門百川復啓補穹儀以五石萬  
物再生縱陛下拂衿衣而遊廣成登弁山而去  
東土羣臣安得仰訴兆庶何所歸仁况郊祀配  
天壘篚禮曠齊宮清廟匏竹不陳仰望鸞輿匪  
朝伊夕瞻言法駕載渴且饑豈可久稽衆議有  
曠彝則舊邦凱復函洛已平高奴櫟陽宮館雖

毀濁河清渭佳氣猶存臯門有亢其泉四敞土  
圭測景仙人承露斯盖九州之赤縣六合之樞  
機博士捧圖書而稍還太常定禮儀其已列豈  
得不揚清警而赴名都具玉鑿而旋正寢昔東  
周既遷鎬京遂其不復長安一亂邾洛永以爲  
居夏后以萬國朝諸侯文王以六州匡天下方  
之跡基百里劒杖三尺以殘楚之地抗拒六戎  
一旅之卒翦夷三叛坦然大定御辯東歸解五  
牛於冀州秣六馬於譙郡緬求前古其可得歟





爲陳太傅讓表

奏六代之舞不能祚天具百神之歌無以動聖  
延首當閣轉增危慄百川沸騰百室如燬釋位  
同謀諸侯總至盟書會府餘臣一人若使幅巾  
衡巷口絕平吳朝遊赤松暮過濟北出就侯服  
入櫛龍章則四郊有壘誰守社稷如其雄戟在  
前強弩自衛負孺子之圖飾綠鵲之鼎軍威重  
於護將國禮貴於寒門則臣道尚卑孰云非逼  
臣所以出謝公卿入訓妻子拜長陵之園謁太

祖之廟不以九族違恩義不以百姓負國家所  
期陛下與北極同壽朝廷與南山同固

灑巷口孫平吳臆茲赤外暮盛齊共出燕荆鼎  
同藉齋刻縣至盟書會刊翁且一人若對師中  
或首當閣轉曾司新百川與湖百室吹響野立  
奏六升之無不拍振天具百輛之竭無以喧聖  
為刺太傅蕭表

經通天臺奏漢武帝表

臣聞橋山雖掩崑湖之竈可祠有魯遂荒大庭  
之跡無泯伏惟陛下降德猗蘭纂靈豐谷漢道  
既登神僊可望射之杲於海浦禮日觀而稱功  
橫中流於汾河指栢梁而高宴何其甚樂豈不  
然歟既而運屬上僊道窮晏駕甲帳珠簾一朝  
零落茂陵玉筮宛出人間陵雲故基共原田而  
膺膺別風餘趾帶陵阜而茫茫羈旅縲臣能不  
落淚昔承明既厭嚴助東歸駟馬可乘長卿西

反恭聞故實竊有愚心黍稷非馨敢望徼福但  
雀臺之弔空愴魏君雍丘之祠未光夏后瞻仰

煙霞伏增悽戀

藝文竈作靈甲帳作翠幕宛出  
作遠出別風作扶風既厭作見

罷煙霞  
作徽猷

### 陳情表

臣嬰生不幸弱冠而孤母子零丁兄弟相長謹  
身為養仕不擇官承襲朝命偶在亂世冒危履  
險自死輕生妻息誅夷昆季屠滅餘臣母子得  
逢興運臣母妾劉今年八十有一臣叔母妾丘  
七十有五私門弟姪故自無人妾丘兒孫又久  
亡泯兩家侍養餘臣一人前帝知臣之孤煢眷  
臣以州里不欲使頓居草萊又復矜臣温清所  
以一年之內再三休沐臣之屢披丹款頻冒宸

沈氏中集 卷之二  
鑒非欲苟違朝廷遠離畿輦一者以年將六十  
湯火居心每跪讀家書前懼後喜溫枕扇席無  
復成童二者職居彝憲邦之司直若自虧身禮  
何問國章前德綢繆始許哀放內侍近臣多悉  
此旨正以選賢與能廣求明哲趨起荏苒未始  
取才而上玄降戾奄至今日德音在耳墳土遽  
乾悠悠昊天哀此罔極兼臣私心煎切彌迫近  
時悽悽之祈轉忘塵觸伏惟陛下睿哲聰明嗣  
興下武刑於四海弘此孝理寸管求天仰歸帷

宸有感必應實望聖明特乞霈然申其私禮則  
王者之德覃及無方矧彼翔沈孰非涵養云云

陳文帝答詔附

省表具懷卿譽馳咸維情深宛沛日者理切  
倚門言歸異域復牽時役遂垂侍養雖周生  
之思每欲棄官戴禮垂文得遺從政前朝光  
宅四海劬勞萬機以卿才爲獨步職居專席  
方深委任屢屈情禮朕嗣奉洪基思弘景業  
顧茲寡薄兼纏哀疚實賴賢哲同致雍熙豈

便釋簡南闈解紱東路當令馮親入舍荀毋  
從官用覩朝榮不虧家禮尋勅所司相迎尊  
累使卿公私得所竝無廢也

此高門言觀異遊其榮報對茲年海養親周坐  
取省夷且刺懷譽聽海嶽青氣亦在日昔聖恩  
乾悠悠刺文帝答品州東臣心而切猶追近  
王者之制單又無式儼斯附武據非國奏  
吳首恩心慙實望聖即濟已靈然申其誅斷限

為周弘正讓太常表

臣聞玉鳥雕楹不取材於蟠木丹朱繡黼豷襲  
冕於蘿薜何則適用各有所宜朝野不可一旨  
叔孫之分定禮儀倍資典實刁協之躬為唱引  
豈易其儀賓主闕對封禪失儀責以司存云誰  
之咎况南史執簡轉見違才君舉必書尤難妄

冒

爲周儀同失律後復官表

日者駭驚鄭馬害在晉軍獄囚悲其夜數縲人切其曉奏危光似燭察命如絲云誰之尤自貽其咎假令誅以妻子戮及墳墓漢非負德陵實孤恩况伏鎖俛眉遂受淮陰之間吞聲飲恨不與臧洪共死陛下憐而宥之伊臣豈不獨愧喪其子弟六謝父兄百萬之師千夫有長問臣安在誰曰董司魂遊奉高不知何對

沈侍中集卷之三

梁吳興沈炯初明著

明閩漳張爨紹和纂

啓

爲王僧辯答貞陽侯啓

席威卿反命具有奉答馬嵩仁至又奉去月二十八日誨增用傾悚秦爲不道西都失守率土臣妾莫不驚惶喪君有君實惟典禮繼世嗣曆明於通誥所以百辟羣司四方岳牧共立大計

僉議所歸故紹晉安殿下用傳寶祚樹立之宜  
無由遠謀鄰國足下宗枝蕃戚德譽早隆既身  
限北庭事隔匡贊今者借助齊主揚旆南轅但  
嗣守洪基卽旣其主若阿衡帝載誠所推揖弘  
佐中興誰曰不可所望齊朝永存信誓謹當命  
北舟人奉迎麾駕無容進枉齊兵遠於江表仰  
冀弼諧時政用極奮庸但江東之地數千餘里  
民附國險水陸衿帶若舊京從命揚徐承旨又  
恐西南之地二十餘州不卽威懷容爲齊國之  
患而糧裹之宜更遲動靜祇展之日冀在一二  
謹因馬嵩仁并遣貞威將軍通直郎散騎常侍  
馬瑱口宣諮述

欽明濟哲齊聖廣淵體自宸極受命文祖主梁  
祀者非此而誰且年倍漢昭弗明上官之許德  
俞惟肅兩召司王之成令每夕衣冠中朝卿士

北舟入奉迎麾駕無容進枉齊兵遠於江表仰  
 無獎口宜器粒極會庸但江東之地數千餘里  
 藉因無嵩斗并豈負淑泚軍嚴直噴精誠常持  
 惠而疊舉之宜更變神精斯與矣味冀垂回之

為王僧辯重答貞陽侯啓

席威卿至奉今月五日誨披函伸紙號耻交哀  
 天未悔禍地維重絕九縣沸騰四海悲憤嗣主  
 欽明濬哲齊聖廣淵體自宸極受命文祖主梁  
 祀者非此而誰且年倍漢昭弗明上官之詐德  
 踰姬誦彌昭周日之誠今海內衣冠中朝卿士  
 或南陽舊隸官成天監之初代邸故臣榮光承  
 聖之始莫不人竭其力爭求効命輸心嗣主以  
 報先帝之恩今荆陝淪覆正是江北數縣即東



南藩翰萬里而遙主甲治兵舳艫相接長波天  
限方漢城池脩德綏民中興可待孤子本以庸  
懦加復窮喘且平生素蓄志不在位世蒙朝寵  
身實許國武皇擢之千里先主申其三顧因此  
踰濫遂居端右屬天步艱難寄深憂積方欲詢  
於髦傑採之輿皂同康時務共贊皇猷一彼車  
書刷茲雙言耻然後守其侯服歸老赤松至如今  
日使須白事披奉來誨承彼送還今璇枝令戚  
播越秦虜明公儻能入朝同獎王室伊呂之任  
僉曰仰歸寧不副茲亥席濟扶匡救若斯言不  
渝更聽後旨便遣鷁舟虹舸奉迎麾旆但閱來  
朝意在主盟今江東所奉彼屬披圖未蒙朝意  
鄭拒子忽左史是之漢蒞劉襄班書稱允况屬  
疎於昔彌不敢聞命謀期通識賜亮此誠

勅於昔歲不效聞命藉賦最端期亮出藩  
獲申于忽去史長之戰將隆塞垣書解之  
障意五主盟今云東海奉命對圖未蒙  
餘更難資言更豈豎所使賦奉  
僉曰中朝不隔茲及誠齋  
自秦兵寇陝臣便營赴援纔及下船荆城陷沒

為王僧辯奉貞陽侯啟

即遣劉周入國具表丹誠左右勳豪初並同契  
周既多時不還人情疑阻比冊降中使復遣諸  
處詢謀物論參差未甚決定始得侯瑱信示西  
寇權景宣書令以真跡上呈觀視將帥恣欲同  
泰若一朝仰違大國臣不辭灰粉悲梁祚永絕  
中興伏願陛下便事濟江仰藉皇齊之威憑陛  
下至聖之略樹君以長雪報可期社稷再輝死

且非爰請押別使曹冲馳表齊都續啓事以聞  
伏遲拜奉在促

爲王僧辯重奉貞陽侯啓

員外常侍姜勗還奉勅伏具動止大齊仁義之  
風曲被鄰國卹災救難申此大猷皇家枝戚莫  
不榮荷江東冠冕俱知憑賴今軟不忘信信實  
由衷謹遣臣第七息顯顯所生劉并弟子世珍  
往彼充質仍遣左民尚書周弘正至歷陽奉迎  
艫舳浮江俟一龍之渡清宮丹陛候六傳之入  
萬國傾心同榮晉文之友三善克宣方流宋昌  
之議國祚既隆社稷有奉則群臣竭節報厚施

沈傳中集 卷之三  
於大齊戮力展愚効忠誠於陛下今遣吏部尚書王通奉啓以聞

書

答張種書

若乃三江五湖洞庭巨麗寫長洲之茂苑登九曲之層臺山高水深雲蒸霧吐其中之秀異者實虎丘之靈阜焉冬桂夏栢長蘿脩竹靈源祕洞轉側超絕遠澗深崖交羅戶穴

張種與沈炯書附

虎丘山者吳嶽之神秀者也雖復峻極異於九天隱磷殊於太一衿帶城傍獨超衆嶺控

繞川澤顧絕群岑若其峰嵯刻削窮造化之  
瑰詭絕澗杳冥若鬼神之髣髴珍木靈草茂  
瓊枝與碧葉蜚禽走獸必負義而膺仁是以  
歷代高賢輕舉栖託梵臺雲起寶刹星縣自  
非玉牒開祥金精縕耀豈其神恠若此者乎

銘

太極殿銘

有序

臣聞在天成象紫宮所以昭著在地成形赤縣  
居其區宇太極殿者資兩儀之意焉大壯顯其  
全模土圭測其正影周曰路寢漢稱前殿雖名  
號參差其實一也主上未明求衣日旰忘食隳  
樂壞禮造次留神漢陞秦除莫不葺復而此殿  
興造累歲未成外邁戎機內憂民力劬勞深慮  
荏苒移時至陳永定六合既清五禮稍備雕楹

玉鳥華榱璧璫揆之有日而猶一柱榱楠豫章  
地淪外寇楚材晉用非復我求既而新亭前江  
有流查甚壯盤根錯節枝葉葱蒨津人以聞正  
堪時用於是将作受詔冬官奉職百工竝作屢  
降乘輿匠石磨礮必經天旨儉而不固泰而不  
奢億兆填填而樂成也曾未數旬煥然雲構昔  
晉朝繕造文杏有闕梅梁瑞至畫以標花自是  
迄今又獲神物卽樟樹焉殿之某間卽某柱是  
也銘曰

軒轅狹堂夏后卑宮文來質往蹇產彌崇體制  
八都開茲萬戶灼爍雄梁徘徊大廡璧月宵懸  
卿雲晝聚豈伊闈陽飛來應柱嘉辰令月新寢  
告成青槐赤棘卽將司兵翠被負宸百辟公卿  
鐘鼓八佾蕭韶九成庸臣再拜天子萬齡



沈氏中集 卷之三  
輪奐徘徊庭羅花鳥室靜塵埃

大尉始興昭烈王碑

古者帝王之興莫不崇建親屏泰伯讓而退封  
武哀終而受號則有之矣至若勒功鼎鼐銘德  
太常清廟尊乎國家揚名顯乎子弟在昭烈王  
見之焉若夫媯水遙源石碣遐集五絲作而詠  
南風八世興而和鳴鳳籍帝王之基居正卿之  
族有由來矣孔融汝穎之論許其少多傳暢諸  
公之書頗有賢哲自漢至魏涉江而東繇邈蟬  
聯言之耆舊皇上革命應運大啓邦國麟趾盤



石之宗固 金楨玉幹之戚畢封文叔掩被之  
悲無浪仲謀援鞍之慟逾切乃封始興郡王永  
定元年下詔曰天倫所感義本因心名器追崇  
則惟恒典亡兄梁故南兗州刺史長城縣公德  
範沈邃風度寬厚性與天通深乎靡測昔彈冠  
入仕譽重城華宣力艱難遂顧洪業雖時非季  
漢勢異桓王海內挹其風流生民懷其大德者  
矣朕受天明命爰膺寶曆言尋永往興慕增懷  
可奉贈太尉公昔之密戚近親宗英令德若河  
間之不群沛獻之受象東平之樂善陳思之藻  
麗實聞之也未有身死忠貞名存前代若王之  
義烈者銘曰

稽古帝舜重瞳有裔曰陳祚土纂虞之系騰波  
汝穎承流媯汭四嶽有後六竒獻計惟寔惟忠  
卿長群公浮舟震澤佳氣葱葱岐周七十商亳  
百里婉婉中陽帝出攸止太常景皇季孫讓子  
天下不踐間之惇史入孝出忠清輝何已苞指  
周藏風流懿德言爲世範行成士則名山可鐫

沈氏中集 卷之三  
豐碑易勒惜哉往矣殞身凶慝鼎命既遷山河  
是始光啓代郡德表永祀周以別功魯侯戾止  
禮茂廟堂恩加松柏

齊古帝後重靈石簡曰刺孫士墓靈石之系顯茲  
美惡者錄曰

靈寶閣之出未育良玉忠貞各存節力若王之  
問之不辨而燼之受衆東平之樂善勳思之

### 哀策文

#### 陳武帝哀策文

望三靈而標目躋九地而崩心哭仍几之將撤  
慟祖鬯之虛斟黃屋侵而白日掩紫極涵而浮  
雲陰其辭曰

悠悠媯水鬱鬱姚墟惟帝之系在唐作虞正卿  
之後握此靈符雕雲布族祥星結樞負茲大鏡  
未拾遺珠爰初筮跡斬虵鞠旅大定番禹載戡  
海渚承豐鬯而運席卷中流王室如燬乃合諸侯

負鐵誓衆釋位同謀俱登涿鹿實斷蚩尤道濟  
一匡功歸四履爰總百官訓於天子儻來有運  
事非獲已翠龜負字赤雀銜書謳訶造夏禮樂  
遷虞負辰正位升壇受圖二儀協序五緯同符  
門歌麟趾室詠騶虞奉常定日太卜蠲時升中  
備物方告雍熙天其玉露地秀金芝休禎未答  
靈貺徒欺吏求穆卜詔絕良鑿義躔失御天街  
褫蹕夏采升榮宮車晏出洞閨移凶克庭罷吉  
閑宵宵之窮燈去昭昭之遊日歸大暮之不暘  
降幽宮而長畢巫咸筮告容成戒期文衛如在  
葆鐸相悲去畢陌而東顧望橋山而路遲臣攀  
龍而尚在魂過沛而何之侍低昂之靈燾奉寂  
寂之空帷銅雀沒於脩松平陵隱於深柏節叢  
鼓之哀音燎燿火於通夕薤露落而暮日寒玄  
霜凝而壟草白銘功德於旂常被徽音於鐘石  
迴天儀於清廟拊祖考而來格播茂實與英聲  
鬱氛氲於宗柩

言與日書言日名中德公...  
 楚之哀音...  
 寐之空...  
 請而尚...  
 新...  
 劉幽宮...

祭文

祭梁吳郡袁府君文

夫宮鳴徵應響韻相趨桂馥蘭芬期臭在斯道  
 合一朝豈忘千載日者明德世彥振纓王室坐  
 嘯大邦顯治巨麗竊以不敏出宰勾吳上郡下  
 邑都城接雉雖王事歷監無失遊窺洞庭於  
 五湖登姑蘇於九曲身後之事一至於斯今者  
 長樂未央已夾樗里之墓公宮魯庫非復少昊  
 之墟成土一棺未知何託解劔絮漿轉增歛獻

文

爲陳霸先與王僧辯盟文

賊臣侯景凶羯小胡逆天無狀構造姦惡違背  
我恩義破掠我國家毒害我生民移毀我社廟  
我高祖武皇帝靈聖聰明光宅天下劬勞此庶  
亭育萬民如我考妣五十所載哀景以窮見歸  
全景將戮之首置景要害之地崇景非次之榮  
我高祖於景何薄我百姓於景何怨而景長戟  
彊弩陵蹙朝廷鋸牙郊甸殘食含靈剝肝斲趾

不慝其快曝骨焚尸不謂爲酷高祖菲食卑宮  
春秋九十屈志凝威憤終賊手大行皇帝溫嚴  
恭默丕守鴻名於景何有復加忍毒皇枝纏抱  
已止總功以還窮刀極俎既屠且膾豈有率土  
老濱謂爲王臣食人之禾飲人之水忍聞此痛  
而不悼心況臣僧辯臣霸先等荷稱國藩湘東  
王臣諱泣血銜哀之寄摩頂至足之恩世受先  
朝之德身當將相之任而不能瀝膽抽腸共誅  
姦逆雪天地之痛報君父之仇則不可以稟靈  
含識戴天履地今日相國至孝玄感靈武斯發  
已破賊徒獲其元帥止餘景身尚在京邑臣僧  
辯與臣霸先協和將帥同心共契必誅凶豎尊  
奉相國嗣膺鴻業以主郊祭前途若有一功獲  
一賞臣僧辯等不推已讓物先身帥衆則天地  
宗廟百神之靈共誅共責臣僧辯臣霸先同心  
共事不相欺負若有違戾明神殛之

一賞百曾韓等不執日窮時夫良朝恩傾天  
奉休國歸賢顯業以主校祭前金華百一  
韓與百譚去劫味殊相同心共謀必若凶逆  
日如如奔其示相止稍景長尚其京員  
舍滿漢天身出今日財國至若文想靈五

附錄

沈炯傳

唐姚思廉

沈炯字初明吳興武康人也祖瑀梁尋陽太守  
父續王府記室叅軍炯少有雋才為當時所重  
釋褐王國常侍遷為尚書左民侍郎出為吳令  
侯景之難吳郡太守袁君正入援京師以炯監  
郡京城陷景將宋子仙據吳興遣使召炯委以  
書記之任炯固辭以疾子仙怒命斬之炯解衣  
將就戮礙於路間桑樹乃更牽往他所或遽救

之僅而獲免子仙愛其才終逼之令掌書記及子仙爲王僧辯所敗僧辯素聞其名於軍中購得之酬所獲者鐵錢十萬自是羽檄軍書皆出於炯及簡文遇害四方岳牧皆上表於江陵勸進僧辯令炯製表其文甚工當時莫有逮者高祖南下與僧辯會於白茅灣登壇設盟炯爲其文及侯景東奔至吳郡獲炯妻虞氏子行簡竝殺之炯弟攜其母逃而獲免侯景平梁元帝愍其妻子嬰戮特封原鄉縣侯邑五百戶僧辯爲司徒以炯爲從事中郎梁元帝徵爲給事黃門侍郎領尚書左丞荊州陷爲西魏所虜魏人甚禮之授炯儀同三司炯以母老在東恒思歸國恐魏人愛其文才而留之恒閉門却掃無所交遊時有文章隨即棄毀不令流布嘗獨行經漢武通天臺爲表奏之陳已思歸之意其夜炯夢見有宮禁之所兵衛甚嚴炯便以情事陳訴聞有人言甚不惜放卿還幾時可至少日便與王克等竝獲東歸紹泰二年至都除司農卿遷御



沈中丞集 附錄  
史中丞高祖受禪加通直散騎常侍中丞如故  
以母老表請歸養詔不許文帝嗣位又表請歸  
優詔答之初高祖嘗稱炯宜居王佐軍國大政  
多預謀謨文帝又重其才用欲寵貴之會王琳  
入寇大雷留異擁據東境帝欲使炯因是立功  
乃解中丞加明威將軍遣還鄉里收合徒衆以  
疾卒於吳中時年五十九文帝聞之即日舉哀  
并遣弔祭贈侍中謚曰恭子有集二十卷行於  
世

史臣曰沈炯仕於梁室年在知命異郎署之蒲  
官止邑宰之卑職及下筆盟壇屬辭勸表激揚  
旨趣信文人之偉者歟

入寇大雷留夏... 乃解中丞加... 音賦詩文人之... 音賦詩文人之... 音賦詩文人之...

官出邑宰之卑... 吏目曰武剛... 官出邑宰之卑... 吏目曰武剛... 官出邑宰之卑...

沈炯傳論

唐李延壽

沈炯才思之美足以繼踵前良然仕於梁朝年  
已知命主非不文而位裁邑宰及於運逢交喪  
馳驅戎馬所在稱美用舍信有時焉

遺事

梁元帝卽位徵孔奐沈炯並令西上王僧辯累表請留之帝手勅報曰孔沈二士今且借公

蔡景歷坐妻弟劉淹受周寶安餉馬爲中丞沈

炯所劾

陳書蔡景歷傳

歐祖核

景祖朝  
刺書蔡

蔡景祖坐集策隘  
帝受恩實安  
贈魏為中丞  
表蕭留之帝手  
陳辭曰  
其武二士  
今日昔公  
樂示帝唱  
其燭下  
真武職並  
今西士  
正當  
其

炭車



卷之三